



Llywodraeth Cynulliad Cymru  
Welsh Assembly Government

---

## **DATGANIAD YSGRIFENEDIG GAN LLYWODRAETH CYNULLIAD CYMRU**

---

**Teitl: Cyllideb Ddrafft 2011-2012**

**Dyddiad: 17 Tachwedd 2010**

**Gan: Jane Hutt, Y Gweinidog dros Fusnes a'r Gyllideb**

Am 3.00pm heddiw, cyhoeddais Gynigion Cyllideb Ddrafft Llywodraeth y Cynulliad ar gyfer 2011-12. Cyflwynir Cynigion y Gyllideb Ddrafft yn unol â'r Rheolau Sefydlog.

Bydd Cynigion y Gyllideb Ddrafft, dogfen naratif y Gyllideb Ddrafft a'r tablau manwl sy'n ategu'r gyllideb ar gael yn Gymraeg a Saesneg ar wefan Llywodraeth y Cynulliad.

Mae'r Gyllideb Ddrafft hon yn amlinellu ein hymrwymiad i gyflwyno cynlluniau gwariant cyfrifol a chynaliadwy, er gwaetha'r setliad mwyaf heriol ers datganoli. Wrth baratoi ein Cyllideb Ddrafft, rydym wedi mabwysiadu dull unigryw Gymreig er mwyn adlewyrchu anghenion Cymru, amgylchiadau Cymru a blaenoriaethau Cymru. Mae ein cynlluniau gwariant yn adlewyrchu ein hymrwymiad i warchod gwasanaethau rheng flaen, cynnal buddion cyffredinol, cefnogi'r adferiad economaidd, gwarchod pobl sy'n agored i niwed a hyrwyddo cyfleoedd a chanlyniadau cyfartal ar gyfer pobl Cymru.